

**AGENDA**

**Bydd y Sesiwn yn dechrau am 2.00pm**

**Eitem 1**

*Bydd y Trefnydd yn cynnig o dan Reol Sefydlog 6.16 i ddwyn ymlaen Cynnig heb Dyddiad Trafod a gyflwynwyd ar 6ed Tachwedd 2002.*

**Ethol i'r Pwyllgor**

*NNDM1212 - Cynnig bod y Cynulliad Cenedlaethol:*

Yn penderfynu:

1. Bod pwyllgor, i'w adnabod fel Pwyllgor Penderfyniadau Cynllunio 2002-7, yn cael ei sefydlu, yn unol â Rheol Sefydlog 35, i gyflawni swyddogaethau'r Cynulliad o dan Adran 78 (1) Deddf Cynllunio Gwlad a Thref 1990 mewn perthynas â'r mater a nodir yn yr Atodlen i'r cynnig hwn (ynghyd â swyddogaethau'r Cynulliad, mewn perthynas â'r ail fater a nodir yn yr Atodlen, o dan Adran 22 Deddf Cynllunio (Adeiladau Rhestredig ac Ardaloedd Cadwraeth) 1990), a bod swyddogaethau'r Cynulliad yn y cyswllt hwnnw yn cael eu dirprwyo i'r Pwyllgor hwnnw;

2. Mai aelodau'r Pwyllgor hwnnw fydd:

Sue Essex AC (Cadeirydd)

Karen Sinclair AC

Eleanor Burnham AC

Janet Davies AC

3. Y bydd y Pwyllgor yn peidio â bod pan fydd Cadeirydd y Pwyllgor yn llofnodi'r llythyr penderfynu yn unol â Rheol Sefydlog 35.16 neu ar 29 Tachwedd 2002, p'un bynnag sy'n dod gyntaf.

4. Os bydd y Pwyllgor yn peidio â bod heb i'r Cadeirydd lofnodi llythyrau penderfynu mewn perthynas â'r mater a nodir yn yr Atodlen i'r cynnig hwn, yna yn yr achos hwnnw dirprwyir y swyddogaethau a nodir ym mharagraff 1 uchod, mewn perthynas â mater o'r fath, i Brif Weinidog Cymru.

## Atodlen

Apêl cynllunio gan Bovis Homes Ltd am ganiatâd cynllunio bras ar gyfer datblygu'r safle cyfan at ddibenion preswyl a chais llawn ar gyfer cam cyntaf datblygiad a fydd yn cynnwys 121 o anheddau ynghyd â chynigion tirlunio, man agored a gwaith atodol arall ar dir yn Woodside, Brynbuga, Sir Fynwy.

Apêl cynllunio ac apêl caniatâd adeilad rhestredig gan Hutchinson 3G UK Ltd ar gyfer antenâu arfaethedig ar Empire House, 54-57 Mount Stuart Square, Caerdydd.

### Eitem 2

#### Cwestiynau Llafar i'r Prif Weinidog

Cliciwch [yma](#) i weld y cwestiynau

### Eitem 3

#### Cwestiwn Brys

A wnaiff y Gweinidog Datblygu Gwledig ddatganiad ar ganfyddiadau'r "Ymateb i adroddiadau'r ymholiadau i Glwy'r Traed a'r Genau gan Lywodraeth ei Mawrhydi a Llywodraeth Cynulliad Cymru"

### Eitem 4

#### Datganiad Busnes: Y Trefnydd

Cliciwch [yma](#) am y Datganiad Busnes Drafft

### Eitem 5

*Ni chynhelir dadl ar y cynnig hwn. Byddwn yn awr yn pleidleisio arno.*

#### Cynnig o dan Reol Sefydlog 22.25 i gymeradwyo:

*NDM1203* - Cynnig bod y Cynulliad Cenedlaethol:

Yn ystyried egwyddor **Rheoliadau Cynllunio Gwlad a Thref (Costau Ymchwiliadau etc.) (Swm Dyddiol Safonol) (Cymru) 2002**, a osodwyd yn y Swyddfa Gyflwyno ar 15 Hydref 2002.

*NDM1204*

- Cynnig bod y Cynulliad Cenedlaethol:

1. Yn ystyried:

Adroddiad y Pwyllgor Deddfau nad yw'n tynnu sylw arbennig y Cynulliad at unrhyw fater o dan Reol Sefydlog 11.5, mewn perthynas â'r gorchymyn drafft, **Rheoliadau Cynllunio Gwlad a Thref (Costau Ymchwiliadau etc.) (Swm Dyddiol Safonol) (Cymru) 2002**, a osodwyd yn y Swyddfa Gyflwyno ar 29 Hydref 2002;

2. Yn cymeradwyo:

y gwneir y Gorchymyn yn unol â'r drafft a osodwyd yn y Swyddfa Gyflwyno ar 15 Hydref 2002.

Cliciwch [yma](#) i weld y Rheoliadau drafft.

Cliciwch [yma](#) i weld adroddiad y Pwyllgor Deddfau.

## **Eitem 6**

### **Cynnig i gymeradwyo SGR Rhif 11 ar Blant ar eu Pennau eu Hunain sy'n Ceisio Lloches**

*NDM1207* - Cynnig bod y Cynulliad Cenedlaethol:

O dan adran 88B o Ddeddf Cyllid Llywodraeth Leol 1988, ac yn unol â Rheol Sefydlog 19.8, yn cymeradwyo Cyllid Llywodraeth Leol (Cymru) Adroddiad Grant Arbennig (Rhif 11) Cymru 2002 a osodwyd yn y Swyddfa Gyflwyno ar 1 Tachwedd 2002.

Cliciwch [yma](#) i weld Cyllid Llywodraeth Leol (Cymru) Adroddiad Grant Arbennig (Rhif 11) Cymru 2002

## **Eitem 7**

### **Cynnig i nodi estyniad i'r contract cyfredol i archwilio cyfrifon Archwilydd Cyffredinol Cymru**

*NDM1205* - Cynnig bod Cynulliad Cenedlaethol Cymru:

Yn unol ag adran 94(1) o Ddeddf Llywodraeth Cymru 1998, yn ailbenodi Owens, Thomas and Co yn archwilwyr cyfrifon Archwilydd Cyffredinol Cymru, drwy estyn y contract presennol am ddwy flynedd arall.

## **Eitem 8**

### **Dadl ar yr ymgynghoriad ar ddulliau mwy hyblyg o ddysgu ar gyfer pobl ifanc rhwng 14 ac 19 oed**

*NDM1206* - Cynnig bod Cynulliad Cenedlaethol Cymru:

1. Yn croesawu'r papur ymgynghori "*Y Wlad sy'n Dysgu: Llwybrau Dysgu 14-19*", a gyhoeddwyd ar y fewnrwyd ar 29 Hydref 2002;
2. Yn cymeradwyo'r egwyddorion a'r cynigion cyffredinol a nodwyd yn y papur ymgynghori; ac
3. Yn cytuno y dylai'r Gweinidog dros Addysg a Dysgu Gydol Oes drefnu'r gwaith y bydd angen ei wneud er mwyn gallu gweithredu ar ganlyniadau'r ymgynghoriad o 1 Ebrill 2003 ymlaen.

***Cyflwynwyd y gwelliannau canlynol:***

*Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol:*

**(1)+(2)+(3)**

**(4)+(5)+(6)**

### **Gwelliant 1 - Jocelyn Davies (Dwyrain De Cymru)**

Ym mhwynt 1, dileu "croesawu" a rhoi yn ei le "nodi"

### **Gwelliant 2 - Jocelyn Davies (Dwyrain De Cymru)**

Dileu "a" ar ddiwedd pwynt 2 a rhoi "*ond yn mynegi pryder y gallai'r cwricwlwm ehangach a mwy hyblyg fethu ag ateb anghenion dysgwyr y cafodd eu profiadau addysgol blaenorol eu llywio gan y cwricwlwm cenedlaethol presennol sy'n llym ac yn rhy gaeth*".

### **Gwelliant 3 - Jocelyn Davies (Dwyrain De Cymru)**

Ychwanegu ar ddiwedd pwynt 3 ", ac yn cyfarwyddo'r Gweinidog i adrodd i'r Pwyllgor ynghylch y ffordd y mae'r fenter hon yn cydlynu polisiau ar gyfer grwpiau oedran iau yn ein hysgolion, ac yn gyson â'r polisiau hynny."

### **Gwelliant 4 - Jonathan Morgan (Canol De Cymru)**

Ychwanegu pwynt newydd ar ddiwedd y cynnig;

Yn cydnabod y bydd goblygiadau o ran staffio ac adnoddau yn sgil diwygio'r cwricwlwm, a bod rhaid i unrhyw newidiadau gael eu cyflwyno yn raddol.

### **Gwelliant 5 - Jonathan Morgan (Canol De Cymru)**

Ychwanegu pwynt newydd ar ddiwedd y cynnig;

Yn cydnabod bod rhaid i unrhyw newidiadau newydd i'r cwricwlwm beidio â bod ar draul rhagoriaeth academiaidd.

### **Gwelliant 6 - Jonathan Morgan (Canol De Cymru)**

Ychwanegu pwynt newydd ar ddiwedd y cynnig;

Yn galw ar y Pwyllgor Addysg a Dysgu Gydol Oes i chwarae rhan gyflawn yn y gwaith o graffu ar unrhyw is-ddeddfwriaeth a fydd yn deillio o'r newidiadau.

Mae'r papur ymgynghori "Y Wlad sy'n Dysgu: Llwybrau Dysgu 14-19" i'w weld ar y Rhyngrwyd yn <http://www.cymru.gov.uk/subieducationtraining/content/Consultation/learning/learning-country-w.htm> - Ni fydd y ddogfen ar gael ar We'r Siambr

## **Eitem 9**

### **Dadl wedi'i henwebu gan Blaid Cymru**

*NDM1208* - Cynnig bod y Cynulliad Cenedlaethol:

1. Yn nodi gyda phryder yr anawsterau ariannol a wynebir gan yr Awdurdodau Iechyd ac yn gweld hyn fel tystiolaeth bellach o brinder adnoddau a diffyg cynllunio cynhwysfawr;
2. Yn mynnu bod ailstrwythuro arfaethedig Llywodraeth Cymru yn amherthnasol i ddatrys y broblem sylfaenol hon, ac yn wir y bydd yn debyg o'i gwaethygu;
3. Yn galw am baratoi cynllun cenedlaethol i gynyddu capasiti o ran staff meddygol, gwelyau a chyfleusterau eraill, wedi ei gefnogi gan ddyraniad ariannol teg i Gymru yn seiliedig ar angen.

### ***Cyflwynwyd y gwelliannau canlynol:***

*Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol:*

### **(1)+(2)**

#### **Gwelliant 1 - Jonathan Morgan (Canol De Cymru)**

Dileu pwynt 1 a rhoi yn ei le;

1. Yn nodi nad yw'r twf sylweddol mewn gwariant ar iechyd ers 1999 wedi arwain at gynydd sylweddol yn y driniaeth a roddir i gleifion.

#### **Gwelliant 2 - Jonathan Morgan (Canol De Cymru)**

Dileu pwynt 3 a rhoi yn ei le;

3. Yn credu y dylid sicrhau mai cyflogi rhagor o feddygon, nyrsys a therapyddion yw'r flaenoriaeth gyntaf i GIG Cymru.

**Bydd y cyfarfod yn dod i ben am 5.30pm**

\*\*\*\*\*

**Cynhelir Cyfarfod Llawn nesaf y Cynulliad am**

**2.00pm ddydd Mercher, 13 Tachwedd 2002**

**E P Silk**

**Clerc y Cynulliad**